

Edizione diplomatica

	Maistre Guill(aume) de guienci au vinier A mis Guill(aume) onc si sage ne ui. comme vous estes se mo(n) sens ne mement. et a la fois vaint amours iugement. et non pourquant ie croi quil soit ensi. pource dites sil vous plaist sans estri. le quel vault miex selonc uostre escient. ou ioie auoir q(ui) tost doie faillir. ou haus espoirs adez sans plus ioir. De ce respons adain de guienci. me deportaisse assez legie rement. ne fust pour vous que iaim et pris forment. et uous plus moi q(ue) ie nai deserui. puis quensi est iaurai moult tost choisi. ie preng espoir por ce qua toute gent. vient miex voloir poi con puet retenir. ne face assez con querre pour guerpir. Au meillour prendre amis auez failli. quar cil qui chace a dez et riens ne prent. il emploie sa paine mauuesement. pource con puist ioir est on ami. non pas pour ce que on nait ia merci. seruir uolez au temple pour noient. seuz espoirs sert de seruice tolir. ioie rent plus con ne puist deseruir. Adam poi sont de gent naient oy. dire con ua moult loing tout belement. et trop haster abien neu souuent. celui tieng a fol qui se haste si. quen vn iour a tout gaste et cueilli. ce dont il deuroit ui ure longuement. hui trop auoir de main de fain morir. volez contre bon espoir aatir. De prometre sans don ner tont serui. amis le fol cest dit c(on) munement. se uos espoirs me p(ra)met faususement. dont vous aura comme fol escharni. ne se repent qui prem(ier)s a saisi. miex vault vn tien que deus que on atent. de soif morez et ne vo
--	--

Untitled%206_0.jpg

Image not found

https://letteraturaeuropea.let.uniroma1.it/sites/default/files/Untitled%206_0.jpg

lez saisir. le boire amis bien vous vo
lez trair. **A**dam uoire mes cil qui a
ioi. de samie quil aime courelement.
sa dont perdre li couuient quitement.
de quoi se puet il plus auoir honni. ne
set quest bien qui onc mal ne senti.
la difference a connoistre laprent. b(ie)n
faillis est mors au resouuenir. mes
espoirs maine a ioie sans fenir
Amis dites que de no ieu parti. ai le
meilleur ou vous respondez ci. espoirs
ne vault fors que tant seulement. que
il promet ioie a faire sentir. dont doit
len miex ioie quespoir choisir. **A**dam
tel ioie uous cuit ie et reni. foulz est
cil qui dami fet anemi. pierre de corbie
iugiez briement. se on doit bien ce
lui pour fol tenir. qui haut monte por
griement recheir.

- letto 543 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911
CF 80209930587 PI 02133771002

Source URL: <https://letteraturaeuropea.let.uniroma1.it/?q=laboratorio/edizione-diplomatica-1501>